

ბლოგი

FRIEDRICH  
EBERT  
STIFTUNG



საქართველოს  
ახალგაზრდა  
იურისტთა  
ასოციაცია

კინოცენტრში მიმდინარე  
მოვლენები: რეორგანიზაციის გზით  
კინოს ცენზურის მცდელობა

მარიამ გელიაშვილი



## კინოცენტრში მიმდინარე მოვლენები: რეორგანიზაციის გზით კინოს ცენზურის მცდელობა

საქართველოს კინომატოგრაფიის ეროვნულმა ცენტრში საქართველოს კულტურისა, სპორტისა და ახალგაზრდობის სამინისტრომ რეორგანიზაცია დაიწყო. რეორგანიზაციის პროცესი კინოცენტრის დირექტორის მოადგილის ნინო კუხალაშვილის გათავისუფლებით დაიწყო. როგორც ის თავის ფეისბუკ სტატუსში [წერს](#), 2023 წლის 12 ივლისიდან გათავისუფლებულია დირექტორის მოადგილის პოსტიდან. ასევე აღნიშნავს, რომ კინოცენტრი დიდი ხანია კულტურის სამინისტროს დეპარტამენტია, უბრალოდ ეს ყველაფერი „სამართლებრივად გაიმართა“.

შედეგად დაიწყო კინოცენტრის რეორგანიზაცია. დღეს დამირეკეს კულტურის სამინისტროდან და მითხრეს, რომ ჩემი შტატი გაუქმებულია და 12 ივლისიდან განთავისუფლებული ვარ დირექტორის მოადგილის პოზიციიდან. მოადგილეების პოზიციის გაუქმებას ჭირდება ცვლილებების შეტანა კინოცენტრის დებულებაში, რაც რა თქმა უნდა

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



განახორციელა წულუკიანმა. დირექტორის მოვალეობის შემსრულებლად დანიშნა კობა ხუბუნაია, რომელიც ორი დღით ადრე დანიშნეს კინოცენტრის ფინანსურ მენეჯერად, რომელსაც ამავე დროს უჭირავს კულტურის სამინისტროს ეკონომიკური დეპარტამენტის უფროსის პოზიცია. უბრალოდ ინფორმაციისთვის, თორე ახალი არაფერია, კინოცენტრს დიდი ხანია ვუწოდებ კულტურის სამინისტროს დეპარტამენტი და ახლა ეს ყველაფერი სამართლებრივად „გაიმართა“.

საქართველოს კინომატოგრაფიის ეროვნული ცენტრის არსებობის ისტორიაში უპრეცედენტო შემთხვევა მოხდა და პირველად დირექტორი არა კონკურსის გზით, არამედ კულტურის სამინისტროს დირექტივებით დანიშნა. კინოცენტრის ახლანდელი დირექტორი კობა ხუბუნაიაა, რომელიც წარსულში სასჯელაღსრულების სისტემაში მუშაობდა, ასევე ის საქართველოს კულტურის, სპორტისა და ახალგაზრდობის სამინისტროს ეკონომიკური დეპარტამენტის უფროსი [აყო](#).

დირექტორის კონკურსის გარეშე დანიშვნა და მოულოდნელი რეორგანიზაცია გახდა კულტურის სფეროს წარმომადგენელთა ნაწილის პროტესტის მთავარი მიზეზი. რამდენიმე კვირაა ისინი მართავენ აქციებსა და მოითხოვენ რეორგანიზაციის პროცესის შეჩერებასა და დირექტორის არჩევის წესის შეცვლას. როგორც კულტურის სფეროს წარმომადგენლები აცხადებენ, თეა წულუკიანი კინომატოგრაფიის სფეროს დაცენზურებას ცდილობს.

ასევე კინონარმოების უფროსის მოადგილის თანამდებობაზე ტელეკომპანია **ATV** ერთ-ერთი ტელენამყვანი ბაჩო ოდიშარია დანიშნა. ოდიშარია ქართული ოცნების პროპაგანდისტი და მხარდამჭერია.

როგორც კინოცენტრის თანამშრომელი და აქციის ერთ-ერთი ორგანიზატორი ლევან აბდუშელიძე საქართველოს იურისტთა ასოციაციასთან საუბრისას აცხადებს, დაცენზურების პროცესი ჯერ კიდევ 2022 წელს დაიწყო. შეგახსენებთ, რომ 2022 წელს კინოცენტრის ყოფილი დირექტორი გაგა ჩხეიძე თანამდებობიდან გაათავისუფლეს. გაათავისუფლების ოფიციალური მიზეზი საქართველოს კინემატოგრაფიის ეროვნული ცენტრის განცხადების მიხედვით [შემდეგია](#):

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



ქ. [ ] კინოცენტრის დირექტორის, გაგა ჩხეიძის მიერ ფინანსური რესურსის კანონმდებლობასთან სრულიად შეუსაბამო ხარჯვის ფაქტები, კინოცენტრში არსებული ფინანსური მართვის სისტემის სერიოზული ხარვეზები, შესყიდვების შესახებ საქართველოს კანონმდებლობის დარღვევის სისტემატური ხასიათი, ნეპოტიზმი, კონტროლის სისტემის არარსებობა და მრავალი სხვა.“

თუმცა, როგორც გაგა ჩხეიძე ქ. [ ] იურისტთა ასოციაციასთან [ ] საუბრისას განმარტავს კულტურის სამინისტროს მიერ დასახელებული მიზეზი მხოლოდ ფორმალურია და მისი თანამდებობიდან გათავისუფლების მთავარი მიზეზი უკრაინის მხარდასაჭერი განცხადებებია.

ქ. [ ] დასკვნის პირველი ვერსია ჩვენ გადმოგვცეს ივლისის ბოლოს. საკმაოდ რბილი დასკვნა იყო, მაგრამ ბევრ რამეს არ დავეთანხმეთ. დასკვნაში დაწვრილ ჩვენი შენიშვნები და კომენტარები, შემდგომ კი გავუგზავნეთ უკან. აუდიტის საბოლოო დასკვნა ჩვენთვის აღარ გამოუგზავნიათ. თებერვლის ბოლოს კი დაინყო ომი უკრაინაში. კულტურის სამინისტრომ კი არანაირი პოზიცია არ გამოხატა უკრაინაში დაწყებული ომის მიმართ. ამიტომ მე გამოვაქყენე პოსტი და გავაკრიტიკე კულტურის სამინისტრო. უკრაინის მხარდასაჭერი პოსტების გამოქვეყნების შემდეგ კინოცენტრში ისევ შემოდის აუდიტის სამსახური და ჩნდება ჩანაწერი თანხების გაფლანგვის შესახებ“.

გაგა ჩხეიძე 2023 წლის 31 მაისს საქართველოს გოეთეს ინსტიტუტმა გოეთეს მედლით დააჯულდოვა. ასევე გოეთეს ინსტიტუტის ვებგვერდზე გამოქვეყნდა [სტატია](#), რომელშიც საუბარია, რომ 2022 წელს ის თანამდებობიდან უკრაინის მხარდაჭერის გამო გაათავისუფლეს. მოცემულ სტატიას კინოცენტრმა [განცხადება](#) გამოაქვეყნა, რომელშიც საუბრობია იმაზე, რომ კინოცენტრი იტოვებს უფლებას, გადასინჯოს თავისი გადაწყვეტილება გაგა ჩხეიძის დირექტორობით ჩატარებული კინოფესტივალის დაფინანსების გაგრძელების თაობაზე.

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



აღსანიშნავია, რომ კინოცენტრის ყოფილი ხელმძღვანელი თანამდებობიდან გათავისუფლების მერე დაკითხვაზე არ დაუბარებიათ. პლუს ამას, აუდიტის საბოლოო დასკვნა მას სამსახურიდან გათავისუფლების დღეს გადაეცა და განცხადებაში ნათლად ჩანს, რომ თაღლითობის თემაზე გაკეთებული ჩანაწერი დამატებულია, რადგან სხვა შრიფტითაა დაწერილი. ასევე ის აცხადებს, რომ კინოს დაცენზურების მცდელობა თეა წულუკიანის მხრიდან თანამდებობაზე დანიშვნის პირველივე დღიდან დაიწყო. ამაზე ის ფაქტიც მეტყველებს, რომ კინოცენტრი პირველი ადგილი იყო, სადაც კულტურის მინისტრმა აუდიტის სამსახური შეუშვა.

გაგა ჩხაიძე ასევე გვესაუბრა იმაზე, თუ როგორ ცდილობდა კულტურის მინისტრი თეა წულუკიანი კინოცენტრის საქმიანობაში ჩარევას:

„**□□□** ასეთი დირექტივები, რომ ერთ-ერთი რეჟისორისთვის მთლიანად დაგვეფინანსებინა პროექტი. ჩვენი კანონმდებლობით კი მსგავსი რამ არ შეიძლება, რადგან ჯერ პროექტმა უნდა გაიაროს შერჩევის პროცესი და უკვე შემდგომ ფინანსდება ის 75%-ით. იყო ასევე ულტიმატუმი მინისტრის მხრიდან, რომ არ დაგვიმტიკიცებდა 2022 წლის ბიუჯეტს, თუ ორ კონკრეტულ პროექტს არ დავაფინანსებდით“.

მიუხედავად იმისა, რომ პროტესტი უკვე რამდენიმე კვირაა რაც გრძელდება, კულტურის მინისტრმა ფორმალური შეხვედრა გამართა კულტურის სფეროს წარმომადგენლებთან. შეხვედრას არ ესწრებოდნენ საპროტესტო ტალღის ორგანიზატორები. როგორც ლევან აბდუშელიშვილი აცხადებს, ეს ნაბიჯი მინისტრის მხრიდან პოპულისტური იყო და ის კინოინდუსტრიის წარმომადგენლების მხოლოდ იმ ნაწილს შეხვდა, რომლებიც მის მიმართ ლოიალურად არიან განწყობილები.

კულტურის სფეროს წარმომადგენლების გარდა, კინოცენტრში განვითარებულ მოვლენებს საქართველოს პრეზიდენტის [გამოცხმაურა.1](#)

„**□□** არის გაგრძელება იმ საბჭოთა წესების, რომლიდანაც არ გამოვსულვართ, არ გამოვსულვართ არცერთი რეჟიმის დროს.“

აღსანიშნავია, რომ თეა წულუკიანმა ხელოვნების სფეროს დაცენზურება პირველად არ სცადა. სანამ კინოცენტრში რეორგანიზაცია დაიწყებოდა, იქამდე ბუსტად იგივე სცენარი განვითარდა ეროვნულ მუზეუმსა და კულტურული მემკვიდრეობის სააგენტოში განმეორდა. ეროვნული მუზეუმის რამდენიმე თანამშრომელმა კულტურის სამინისტროს სასამართლოშიც უჩივლეს და პროცესიც მოიგეს. როგორც ერთ-ერთი გათავისუფლებული თანამშრომელი — **□□□□□□□□□□** საუბრისას აცხადებს რეორგანიზაციის მიზეზი

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



არასასურველი კადრების მოშორება იყო.2

აქციის მონაწილეები კი აცხადებენ, რომ ბრძოლას იქამდე გააგრძელებენ, სანამ მათი მოთხოვნები არ შესრულდება.

**ავტორი: მარიამ გელიაშვილი**

*ბლოგი მომზადებულია ფრიდრიხ ებერტის ფონდის მხარდაჭერილი პროექტის ფარგლებში.*

---

1 publika.ge, [ქვემოთაა](https://publika.ge/prezidenti-kinocentrze-es-aris-sabchota-wesebis-gagrdzeleba/) კინოცენტრზე: ეს არის საბჭოთა წესების გაგრძელება [1](https://publika.ge/prezidenti-kinocentrze-es-aris-sabchota-wesebis-gagrdzeleba/) ივლისი 2023 წელი, ხელმისაწვდომია: <https://publika.ge/prezidenti-kinocentrze-es-aris-sabchota-wesebis-gagrdzeleba/>

2 tabula.ge, [ქვემოთაა](https://tabula.ge/ge/news/697632-sasamartloshi-dava-erovnuli-muzeumidan) დავა ეროვნული მუზეუმიდან გათავისუფლებულმა კიდევ ერთმა თანამშრომელმა მოიგო [1](https://tabula.ge/ge/news/697632-sasamartloshi-dava-erovnuli-muzeumidan) SJC [23](https://tabula.ge/ge/news/697632-sasamartloshi-dava-erovnuli-muzeumidan) თებერვალი 2023 წელი, ხელმისაწვდომია: <https://tabula.ge/ge/news/697632-sasamartloshi-dava-erovnuli-muzeumidan>